



Publicaziuns dalla vischnaunca, jamna 17

Damondas da baghegiar

2016-1027.000

Datum dalla publicaziun: ils 29 d'avrel 2016

Il patron: Alfred Andriuet-Terwecoren e Mario Andriuet, Via Dulezi 13, 7180 Disentis/Mustér
Il representant: Alfred Andriuet-Terwecoren, Via Dulezi 13, 7180 Disentis/Mustér
Object: Sanaziun dil tetg-casa, parcella 649, Via Dulezi 13, 7180 Disentis/Mustér

2016-1028.000

Datum dalla publicaziun: ils 29 d'avrel 2016

Il patron: Stweg Alvezza, c/o Solida Treuhand AG, Via Cons 7, 7180 Disentis/Mustér
Il representant: Werner Bundi, Postfach 30, 7184 Curaglia
Object: Sanaziun dil tetg e dallas fatschadas dalla casa, parcella 1061, Via Cafeni 15, 7180 Disentis/Mustér

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 25 d'avrel 2016
Uffeci da baghegiar Disentis/Mustér

Lubientschada baghegiar

La suprastonza communal ha concediu suandonta lubientscha da baghegiar:

Nr.2015 –1045.001

Sut Gliendas SA, c/o Durschei Fiduziaria SA, Via Alpsu 8, 7180 Disentis/Mustér; spazzada dil baghetg nr. d'assic. 149, construcziun d'ina surbaghegiada cun habitaziuns, parcella 3027, dretg da construcziun 3933 a Sogn Gions, 7180 Disentis/Mustér.

Disentis/Mustér, ils 26 d'avrel 2016
Uffeci da baghegiar Disentis/Mustér

Residenza per senioras e seniors a Sut Gliendas

Ils davos onns ei la suprastonza communal repetidamein s'occupada cun la necessitad d'ereger ina undreivla dimora per personas attempadas. Fertan che las personas che basegnan tgira anflan in emperneivel suttetg el Center da sanadad Puntreis, maunca ina purschida per personas ch'ei aunc sur sesez ni che fan diever dils survetschs da spitex.

Igl onn 2014 ha la suprastonza communal schau elaborar in studi per saver realisar in tal project a Sut Gliendas. Ina tala residenza ei en sesez ina incarica publica. Cunquei che la vischnaunca ha denton buca las finanzas per realisar ina tala ovra, ei ina societad acziunara seformada per realisar igl object. Aschia duei la surbaghegiada esser destinada en emprema lingia per personas attempadas e talas che drovan parzialmein sustegn ed accumpignament, specialmein entras la Spitex. Per garantir quels survetschs vegn ei pretendiu ina cunvegna da prestaziun cun il Center da sanadad Puntreis e cun l'organizaziun da Spitex Cadi. Damai ch'il sulom sesanfla en ina zona per stabiliments ed indrezs publics, eis ei pusseivel d'ereger pliras habitaziuns e cheutras garantir ch'ils tscheins-casa seigien favoreivels e supportabels per in e scadin.

Il fevver 2015 ha la suprastonza communal suttamess al cussegl da vischnaunca il concept per realisar ina residenza per attempai a Sut Gliendas. Quel sebas sils resultats d'ina retscherca fatga igl onn 2010. Leu ei semussau la necessitad da realisar pusseivladads adattadas da habitar per personas sur 55 onns tenor l'idea da «Betreutes Wohnen».



Ils 27 da fevrer 2015 ha il cussegl da vischnaunca approbau il dretg da construcziun per ina residenza da seniors a Sut Gliendas e cheutras surschau quella incarica alla societad Sut Gliendas SA, quei cun far pliras cundiziuns e pretensiuns. Quei conclus ei vegnius suttamess al referendum facultativ. Cunquei che negin ha fatg diever da quella pusseivladad, ha la realisaziun da quei postulat indirectamein era anflau il consentiment da votantas e votants.

Sin fundament da quei conclus ei il contract davart il dretg da baghegiar la residenza per seniors vegnius fatgs cun la societad Sut Gliendas SA. Quel cuntegn tuttas pretensiuns e restricziuns per garantir ina surbaghegiada el senn da crear habitadis per persunas attempadas. A basa da quellas directivas ei il project concret vegnius elaboraus. La damonda da baghegiar ei stada publicada ils 11 da december 2015. Enteifer il termin fixau ein plirs giavischs e protestas vegnidas inoltradas. La suprastonza communal ha en concordanza cun la societad purtadra empruau da risguardar quels giavischs aschilunsch sco pusseivel. En special setracta ei da garantir igl interess public ed il diever entras persunas attempadas sco era la colligiazion cun Puntreis ed ils survetschs da spitex sco era in tscheins-casa raschuneivel. Ultra da quei eis ei previu locals per la pleiv e la communad ed ina piazza publica da sentupada.

En sia davosa seduta ha la suprastonza communal approbau il project revediu e spera che quella ovra d'interess public sappi vegnir realisada ton pli spert – sco quei era a sias uras ella Casa per attempai Sogn Gions – sinaquei che persunas attempadas e che drovan parzialmein agid e sustegn d'in gener ni l'auter anflien ina emperneivla e digna dimora en vischnaunca.

Suprastonza communal

Administraziun communal

Sur **Anceinza** ei l'administraziun communal serrada naven da **mesjamna, ils 4 da matg 2016, allas 17.00 entochen gliendisdis, ils 9 da matg 2016 allas 9.00.**

Administraziun communal

Eleczions communalas 2016

Quest'atun han liug las eleczions dils organs communalas per la perioda d'uffeci 2017/2020. Per quellas eleczions ha la suprastonza communal fixau ils suandonts datums:

a) Termin d'abdicaziun

Il termin d'abdicaziun per il **cussegl da vischnaunca, la suprastonza communal, il cussegl da scola, la cumissiun da gestiun sco era per tuttas ulteriuras cumissiuns** e delegaziuns ei vegnius fixaus sin **venderdis, igl 1. da fenadur 2016**. Suenter quei termin vegnan las demissiuns publicadas el Fegl official dalla Surselva.

b) Termin per inoltrar propostas

Vischinadis ni gruppaziuns da silmeins 15 votantas e votants han la pusseivladad d'inoltrar entochen 30 dis avon l'elecziun propostas per candidatas e candidats. Las **propostas** ein da far **en scret** e d'inoltrar **entochen venderdis, ils 26 d'uost 2016** all'administraziun communal. Officials che han buca demissionau valan sco proponi.

c) Termin per las eleczions

Las eleczions dils commembers dil **cussegl da vischnaunca, dalla suprastonza communal, dil cussegl da scola e dalla cumissiun da gestiun** han liug **dumengia, ils 25 da settember 2016**. Las eleczions da tuttas ulteriuras cumissiuns succedan pli tard entras ils gremis cumpetents.

Suprastonza communal

Cussegl da vischnaunca

Quen 2015 e credits



En sia seduta dils 22 d'avrel 2016 ha il cussegl da vischnaunca sut il tgamun da Livio Zanetti tractau pliras fatschentas.

La tractaziun dil quen e rapport da gestiun 2015 ha vicepresident Christoph Berger tgamunau. Il **quen 2015** siara cun in legreivel ault cash-flow da frs. 2'169'471.–. Quei oreifer resultat ei d'ina vart d'attribuir alla buna disciplina da budget. Da l'autra vart ha ei dau plientradas tier la taglia sco era muort il fetg bien onn hidrologic tier ils tscheins d'aua e la vendita d'energia da concessiun e da participaziun.

Suenter haver fatg pliras amortisaziuns supplementaras dalla facultad administrativa ell'altezia da frs. 1'708'527.– siara il quen 2015 cun expensas da frs. 17'912'079.98 ed entradas da frs. 18'185'430.38. Il resultat dil quen current munta aschia ad in surpli d'entradas da frs. 273'350.40. Las amortisaziuns totalas importan frs. 2'407'043.–. Ordlunder seresulta il suranumnau cashflow da frs. 2'169'471.–.

Il quen d'investiziun siara cun expensas da frs. 1'882'566.71 ed entradas da frs. 343'402.90, pia investiziuns nettas da frs. 1'539'163.81. Las grondas investiziuns pertuccan la sanaziun dalla Via Sogn Gions cun frs. 334'544.42, la canalisaziun e serenera cun frs. 539'969.43, la realisaziun da divers projects forestals cun frs. 265'534.61 ed il project per la meglieraziun funsila cun frs. 49'225.45.

La vischnaunca ha ils davos onns saviu reducir marcantamein il deivet bancar sin frs. 10'557'000.–. Il deivet netto per habitont ei sereducius da frs. 1'879.– sin frs. 1'504.–. In deivet denter frs. 1'000.– e frs. 3'000.– vegn taxaus sco deivet mesaun. Cheutras havein nus il potenzial da realisar e finanziair las futuras investiziuns. Il cussegl da vischnaunca ha approbau unanimamein il rapport da gestiun ed il quen 2015. Quei conclus vegn conform alla constituziun communalta suttamess al referendum facultativ.

In remplazzament da suppias e measas pil **Center da sport e cultura (CSC)** ei exnum necessaris. Quei cumprovan cunzun las reclamaziuns giustificadas dallas uniuns indigenas e dils camps d'ordeifer. Il remplazzament da quei mobiliar ella Sala Fontauna ed ella Halla Fontauna ei gia daditg urgents. Aschia eis ei previu da comprar 780 suppias (Halla Acla) e 120 suppias pulstradas (Sala Fontauna) sco era 150 measas per omisduas hallas. Il cussegl da vischnaunca ha concediu unanimamein in credit da frs. 196'000.– pil remplazzament da quei mobiliar.

La halla Acla da Fontauna ei vegnida construida 1980/81 sco cumpart principala dil **Center da sport e cultura (CSC)**. Era la halla da tennis e la cafetaria ein vegnidadas erigidadas l'entschatta dils onns 1980 ella medema etappa. Suenter varga 35 onns ein differentes fastitgs dalla vegliadetgna fetg bein vesibels. La cumparsa ei gia dapi onns schliata ed envida negin da sefermar ed entrar el CSC. La fin dil 2015 han retschercas mussau che las preits encunter il nord ed il vest ein contaminadas cun in buliu. Ina sanaziun dalla fatschada sto urgentamein vegnir prida en mira per evitar ch'il CSC sappi tuttenina buca pli far diever dils dormitoris els stabiliments dil schurmetg civil. Las entradas annualas sin quei sector e l'impurtonza da quella dimora per l'entira destinaziun turistica plaidan in clar lungatg. Las cefras pigl avegnir ein aunc pli empermettentas. In donn irreparabel per la reputaziun dil CSC entras in buliu fust ina consequenza desastrusa. La finamira ei da sanar immediatamein la fatschada senza impedir ni engrevegiar ina sanaziun futura dil baghetg. Per quella sanaziun inevitabla ha il cussegl da vischnaunca concediu unanimamein in credit da frs. 280'000.– cun suttametter quella decisiun al referendum facultativ.

Il cussegl da vischnaunca ha acceptau la **moziun** «Studi da factibilitad (Machbarkeitsstudie) pertuccont ina colligaziun dils uclauns Segnas-Acletta cun ina via per promover l'attractivitat e la mobilitad dils uclauns. Plinavon duei il studi cuntener propostas co sliar igl access naven dalla scola Segnas entochen a Peisel cun camiuns ed autocars.», inoltrada da cusseglier Edgar Durschei ed 11 consutsignaders. La suprastonza communalta vegn ad elaborar il studi da factibilitad.

L'**illuminaziun publica** existenta ei vegnida els onns e pretenda da vegnir remplazzada. Ils davos onns eis ei adina puspei stau necessari da remplazzar cazzolas, perquei ch'ellas ein en ina talmein schliata situaziun ch'ina reparatura ei buca pli pusseivla. Igl onn 2014 ha la vischnaunca giu cuosts d'energia da frs. 33783.56 per l'illuminaziun publica. Cun la tecnologia nova prevedan ins da reducir il consum d'energia annualmein per 80% sin biebein frs. 9000.–. Cul respargn d'energia quantan ins, tenor etappaziun risguardond ils cuosts annuals da manteniment, da saver amortisar las investiziuns pil remplazzament dall'illuminaziun publica enteifer rodond tredisch onns. Il cussegl da vischnaunca ha concediu cun 12 encunter 3 vuschs in credit da frs. 480'000.– pil remplazzament dall'illuminaziun publica cun suttametter quei conculus al referendum facultativ.

Il cussegl da vischnaunca ei vegnius informaus davart la convegno da prestaziun cun Sedrun Mustér Turissem (SMT). La convegno da prestaziun ei in tiern fetg impurtont e regla la collaboraziun denter las vischnauncas ed SMT. Actualmein vegnan il reglament d'organisaziun che descriva en detagl las incaricas e responsabladas denter las vischnauncas e SMT elaboraus. Sin la fin zercladur 2016 duei quella lavur esser terminada.

Cun la fin dalla perioda 2013/2016 dils 31 da december 2016 han ils suandonts commembers da suprastonza communalta abdicau: Francestg Cajacob, Madlen Deflorin-Spescha, Cecilia Maissen-Desax



e Roger Tuor. Gerau Iso Mazzetta candidescha per in'ulteriura perioda d'uffeci. Muort midada da domicil ord motivs professiunals ha cusseglier Silvio Candinas abdicau sin la fin zercladur 2016.

Suprastonza communal

Referendum facultativ

A caschun da sia seduta dils 22 d'avrel 2016 ha il cussegl da vischnaunca approbau unanimamein il rapport da gestiun ed il quen 2015 sco era concediu unanimamein in credit frs. 280'000.– per la sanaziun urgenta dallas fatschadas nord e vest dil Center da sport e cultura. Plinavon ha il parlament lubiu cun 12 encunter 3 vuschs in credit da frs. 480'000.– pil remplazzament dall'illuminaziun publica.

Conform ad art. 21, lit. a resp. c dalla constituziun communal ein quellas decisiuns suttamessas al referendum facultativ. Il quen 2015 sco era ils messadis tier sura treis conclus ein exponi per investa en casa communal (stanza nr. 10).

Enteifer 20 dis dapi la publicaziun officiala han 80 votants la pusseivladad d'inoltrar enviers sura conclus il referendum e pretender ina votaziun dil pievel.

Suprastonza communal

Votaziun communal

Resultat dalla votaziun communal dils 24 d'avrel 2016

Diember dils votants	1529
Participaziun alla votaziun	41,4%

Credit brut da frs. 30 000 000.– pil project dalla meglieraziun funsila sur igl intschess dalla vischnaunca da Mustér

Dau giu cedels	633	
Cedels vits	1	
Cedels nunvaleivels	9	
Total cedels vits e nunvaleivels	10	
Cedels valeivels	623	
Gie	398	64%
Na	225	36%

Biro electoral Il president: Roger Tuor
 Igl actuar: Andri Hendry

Dretg da recuors

Sebasond sin art. 37 dalla lescha communal davart ils dretgs politics sa vegnir recurriu encunter la votaziun communal dils 24 d'avrel 2016 enteifer 3 dis dapi ch'il motiv da recuors ei vegnius constataus, sil pli tard denton il tierz di suenter la publicaziun officiala dils resultats. Il recuors ei d'inoltrar alla suprastonza communal. Disentis/Mustér, ils 24 d'avrel 2016

Ev.-ref. Kirchgemeinde der Cadi

Ordentliche Kirchgemeindeversammlung, Montag, 23. Mai 2016, um 19 Uhr im Kirchgemeindezentrum Aua Viva in Disentis.

Liebe Kirchgemeindemitglieder, der Kirchgemeinde-Vorstand lädt alle recht herzlich zu unserer Frühjahrs-Versammlung ein. Nach dem offiziellen Teil laden wir euch gerne noch zu einem kleinen Umtrunk ein!



Traktanden:

1. Begrüssung
2. Wahl der Stimmenzähler/innen
3. Genehmigung des Protokolls der Kirchgemeindeversammlung vom 8.11.2015
4. Jahresbericht des Pfarramtes, der Kantarin und des Vorstandes
5. Jahresrechnung der Kirchgemeinde 2015, Bericht der Revisorinnen
6. Wiederwahl Präsidentin C. Defuns-Kohler, Wahl eines neuen KG-Vorstand-Mitgliedes
7. Leitbild
8. Anträge
9. Infos und Varia

Anträge zuhanden der Kirchgemeindeversammlung sind schriftlich bis spätestens 9. Mai 2016 an die Ev.- ref. Kirchgemeinde, z.H. der Präsidentin C. Defuns-Kohler, Via Tumvi 14, 7163 Danis zu senden.

*Der Kirchgemeindevorstand:
Corinne Defuns-Kohler, Silvia Berther,
Susanne Strupler und Hans Moeckli*

Concert Chor viril Lumnezia

Gievgia (Anceinza), ils 5-5-2016 allas 20.00 en baselgia S. Gions a Mustér. Direcziun: Retus Giger. Collaboraziun: Christian Barenus (violina) e Kathrin vonCube (Bratscha). Moderaziun: Maria Victoria Haas

Cordial beinvegna *Inserat!*

Stalkino - Cinema Salaplauna

Film: Egliadas – Augenblicke (CH 2011) mit Filmgespräch, **Mittwoch, 11. Mai**, 20 Uhr Filmstart
In den 40er Jahren fotografierte Emil Brunner Bergkinder in der Cadi. Der Dokumentarfilm zeigt die Kinderfotos und porträtiert jene Menschen, die hinter den Bildern stecken. Anschliessend Gespräch mit ehemaligen «Bergkindern»: Christina Deflorin-Berther, Barla Monego-Venzin und Maria Ursula Derungs-Deplazes
Film: Romontsch/Deutsch, Gespräch: Romontsch Klosterhof Salaplauna, Disentis / jeweils mittwochs, Kollekte

Tag der Vögel / Di dils utschals

Samstag, 14. Mai 2016, 6.30–13 Uhr

Am Morgen begeben wir uns ausgerüstet mit Feldstecher auf eine Vogelegkursion in den Auen von Rabius-Surrein. Anschliessend gibt es ein Bauernfrühstück mit regionalen Produkten in der Salaplauna in Disentis, inklusive Vorträge zum Thema Vögel, einer Vogelbastelwerkstatt und einer Vogelfeder-ausstellung. Weitere Infos: www.agricultura.ch. Anmeldung: bis am Donnerstag, 12. Mai, an info@agricultura.ch / Tel. 081 936 48 02

Societad da tir Desertina 300 m

Tir obligatoric a Sedrun, la Resgia

Anceinza: 5-5-2016 allas 18.00–20.00

Gliendisdis Tschuncheismas: 16-5-2016 allas 18.00–20.00

Tir liber mintga gievgia allas 19.00–20.00 tochen ils 16-6-2016.

Cordialmein envida



Societad da tir Desertina

Uniun fallun e cascharia Disla/Mustér

Sonda, ils 7 da matg 2016 ha puspei liug a Disla/Mustér «Il di svizer dils mulins»

Quei di vegn chischau, mulau e resgiau ed era il talèr vegn mess en funcziun. Ins sa secapescha era gentar tier nus. A tuts in cordial beinvegni.

La suprastonza

Uniun samaritana Mustér

Nies proxim exercezi meinsil ha liug: **Gliendisdis, ils 9 da matg 2016** allas 19.30, en casa dascola Cons.

Thema «Repetiziun Reanimaziun (BLS-AED)» part 2. Persunas che han interess e vulan inagada fuffernar tier nus ein cordialmein envidadas. A stedia participaziun envida

Uniun Samaritana Mustér, menadra tecnic
